




REPUBLIKA E KOSOVES/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. Dep.	D P K I
Nr. ftau Broj stranica Nr. pages	03
Nr. Prot. Br. Prot. Prot No.	06-3437/19
Data Datum Date	27-12-2019
PRISHTINE	



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI – CORRUPTION AGENCY



Në mbështetje të nenit 11, paragrafi 1, nënparagafi 1.1, nenit 5, paragrafi 1 pika 1.5, nenit 18, paragrafi 10 dhe 11 të Ligjit nr. 03/L-159 për Agjencinë kundër Korruptionit, si dhe nenit 7 paragrafi 4 të Rregullores nr. 01/2018 për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë Kundër Korruptionit, Drejtori i Agjencisë kundër Korruptionit me datë 26.12.2019, mori:

V E N D I M

- I. Mbyllt rasti me nr. *AKK-DPKI-06/2232/19*, për zyrtaren e lartë znj. Blerta Basholli, Drejtoreshë e Drejtorisë së Kulturës në Komunën e Prishtinës, për shkak së ështëshmangur gjendja e konfliktit të interesit në ushtrim të funksionit publik.
- II. Rasti mund të rihapet në çdo kohë në rast se paraqiten rrethana të reja.

A r s y e t i m

I. Në rastin e hapur për shqyrtimin e gjendjes së konfliktit të interesit me numër protokolli AKK-DPKI-06/2232/19, lidhur me zyrtaren e lartë znj. Blerta Basholli, Drejtoreshë e Drejtorisë së Kulturës në Komunën e Prishtinës, është zhvilluar procedura e paraparë sipas Ligjit nr.06/L-011 për Parandalimin e Konfliktit të Interesit në Ushtrimin e Funksionit Publik.

Agjencia kundër Korruptionit (në tekstin e mëtutjeshëm: Agjencia), sipas detyrës zyrtare ka identifikuar rastin e konfliktit të interesit sipas cilit znj. Blerta Basholli, krahë ushtrimit të funksionit si zyrtare e lartë publike, respektivisht Drejtoreshë e Drejtorisë së Kulturës në Komunën e Prishtinës, ishte përfaqësuese e autorizuar në Biznesin Individual “Blerta Basholli B.I.”, ushtronë funksionin e Kryetares dhe Përfaqësueses së Autorizuar në Organizatat jo-qeveritare “Shoqata e Producentëve të Kosovës” dhe “Shoqatës Kulturore Industria”.

Me rastin e konfirmimit të informacionit të mësipërm në institucionet përkatëse, Agjencia në pajtim me nenin 22, paragrafin 3 dhe 5 të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, e ka njoftuar zyrtaren e lartë për fillimin e shqyrtimit të gjendjes së konfliktit të interesit, përmes shkresës zyrtare AKK-DPKI-02-02/2232/19, dhe se në afat prej pesëmbëdhjetë (15) ditësh nga dita e pranimit të kësaj shkrese, ajo ka të drejtë të njoftohet gjërësisht me faktet që posedon Agjencia lidhur me rastin në fjalë.

Pas pranimit të kësaj shkrese nga pala, me kërkesë të saj është organizuar dhe mbajtur një takim brenda Agjencisë, ku zyrtarja e lartë është njoftuar gjërësisht lidhur me faktin se, gjatë ushtrimit të funksionit në cilësinë e zyrtares së lartë publike, ajo nuk mundet që njëkohësisht të jetë Person i Autorizuar në biznesin privat e as të ushtroj funksionin e drejtueses apo përfaqësueses në Organizatë jo-qeveritare, sepse kjo situatë paraqet gjendje të papajtueshmërisë me ushtrimin e funksionit publik, siç përcaktohet me nenin 13, paragrafi 1, të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, ku thuhet se:

“Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit”.

Si dhe nenin 14 paragrafi 1, i cili përcakton se:

“Zyrtari i lartë mund të jetë anëtar i organit drejtues, me përjashtim të funksionit drejtues, të organizatës joqeveritare nga lëmi i shkencës, sportit, arsimit, kulturës, veprimtarive humanitare dhe të ngashme pa të drejtë shpërblimi me pagesë, përvëç të drejtës në kompensimin e shpenzimeve të udhëtimit dhe të tjera të lidhura me to”.

Pas diskutimit dhe ballafaqimit të fakteve, zyrtarja e lartë znj. Blerta Basholli është pajtuar tërësisht me gjetjet e Agjencisë, duke dekluaruar se do të ndërmarr veprime të menjëhershme dhe konkrete në mënyrë që të shmang papajtueshmëritë në ushtrimin e funksionit publik.

Ndërkohë, Agjencia ka pranuar shkresën zyrtare (DPKI-06/2361/19), me të cilën dëshmohet se zyrtarja e lartë znj. Blerta Basholli ka dhënë dorëheqje nga Shoqata e Producentëve të Kosovës, si dhe shkresën zyrtare (DPKI-06-2361-1/19) me të cilën gjithashtu dëshmohet se e njëjta nuk figuron më të jetë Person i Autorizuar në biznesin privat “Blerta Basholli B.I.” Gjithashtu, Agjencia ka pranuar shkresën tjetër zyrtare (DPKI-06-2361-2/19) me të cilën dëshmohet se zyrtarja e lartë znj. Blerta Basholli ka dhënë dorëheqje nga funksioni i kryetarës në “Shoqatën Kulturore Industria”, si dhe ka bërë ndryshimet e duhura të Personit të Autorizuar në dy Organizatat jo-qeveritare të sipërpërmendura.

Me veprimet e ndërmarra nga zyrtarja e lartë znj. Blerta Basholli, Drejtoreshë e Drejtorisë së Kulturës në Komunën e Prishtinës, janë krijuar rrethana të reja, me çfarë është shmangur gjendja e papajtueshmërisë, përkatësisht konfliktit të interesit në ushtrimin e funksionit publik për zyrtaren e lartë, andaj u vendos si në dispozitiv të këtij vendimi.



II. Në mbështetje të nenit 18, paragrafi 11 të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtares së lartë publike
- Drejtorit të DPKI- së
- Z./zpj. (zyrtari përgjegjës)

Shaip Havollı
Drejtor i Agjencisë kundër Korrupsionit

